



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 313. Usque Ad Annum 361

Fleury, Claude

August. Vind. [u.a.], 1758

VD18 90117778

§. 31. Tractatus S. Athanasii de Spiritu Sancto.

[urn:nbn:de:hbz:466:1-66022](#)

irreprehensibilis, gravitas in externis ap- Sæculum IV.
parebat, & mores non multum a disci- A. C. 360.
plina monastica abludebant. Nomine
generali Pnevmatomachi, id est, Græce,
inimici Spiritus Sancti, vocabantur.

§. XXXI.

*Tractatus S. Athanasii de Spiritu
Sancto.*

De hac nova hæresi Serapion ad S. A- T. I p. 173.
thanasiū rescripsit, ponens etiam
præcipua eorum argumenta, & exhortans, ut ad ea responderet. Is Serapion, Episcopus Thmovitanus fuisse creditur. Illud erat tempus, quo S. Athanasius, in deserto latitans, ad mortem perquirebatur; at de nova hac hæresi rescivisse, gravius omnibus aliis afflictionibus fuit, & quamvis vix scribendi opportunitas esset, scripsit tamen ad Serapionem Tractatum satis prolixum, quem in comparatione altissimæ materiæ brevem vocat Epistolam, aitque tantum ideo se eam mittere, ut Serapioni occasionem præbeat supplendi, quæ deficiunt. Hos novos hæreticos vocat Tropicos, quia Scripturam per Tropos, id est, per figuræ sermonis explicare volebant. Primo respondet ad omnes textus, quibus se demonstrare jactabant, Spiritum S. esse Creaturam, atque solerter, & docte va-
rios

P. 184.
p. 175.
p. 189.

Sæculum IV. rios sensus, quibus in S. Scriptura vox,
A. C. 360. Spiritus, accipi debeat, explicat. Tum
Epiph. hær. ad solvendas objectiones, quas ex huma-
74. n. 8. nis ratiocinationibus formabant, progre-
ditur. Hæretici dicebant: *Si Spiritus
Sanctus Creatura non est, nec Angelus, si
procedit a Patre, ergo similiter Filius
est; & sic Verbum, & ipse duo fratres
erunt; quomodo ergo Verbum, Filius u-
nicus dicitur? Et quare primus post Pa-
trem, & deinde demum Spiritus Sanctus
nominatur, si æquales sunt?* Si autem
*Spiritus Sanctus a Filio procedit, ergo
Pater, Avus ejus erit?* Ita homunculi
isti sacrilega curiositate in divinis lude-
bant.

S. Athanasius respondet primo, si, e-
jusmodi quæstiones formare, licitum es-
set, &, dum de Divinis loquimur, gene-
rationis humanæ Ideam sequi, etiam quæ-
ri posse, quis Patris Pater sit? Et Filii Fi-
lius, & Nepotum ejus? Cum inter ho-
mines qui pater est respectu unius, fi-
lius sit respectu alterius, procedendo in
infinitum; atque filium nihil aliud esse,
quam portionem patris. Non ita res se
habet in Deo, ubi totus Filius totius Pa-
tris imago est, & semper Filius, sicut Pa-
ter est semper Pater; nec Pater Filius
esse potest, nec Filius Pater. Non er-
go in Divinis licet de fratre, aut de Avo-
loqui, quia S. Scriptura de his nomi-
nibus

nibus tacet, & nunquam Spiritum S. vo- Sæculum IV.
cat Filium, sed Spiritum Patris, & Spi- A. C. 360.
ritum Filii. S. Trinitas una Divinitas
est, & tota unus Deus, nec nobis licet
Trinitati creaturam affingere. Hæc Fide-
libus sufficient, intellectus humanus ul-
terius non penetrat, reliqua Cherubini *Iai. 6. 2.*
alis suis obvelant.

Ostendit deinde e Sacris Scripturis P. 196.
Spiritum Sanctum esse Deum; quia ea,
quæ ipsi attribuuntur, non nisi Deo con-
venire possunt, qualia sunt, quod sit san-
ctificans, vivificans, immutabilis, imen-
sus. Traditioni Ecclesiæ insistit, quæ p. 202.
semper in Deo Trinitatem credit, & Tractatus
docuit; non in nominibus, tantum, sed de Spiritu
in re, super illa Christi verba fundata: *Sancto.*
Baptizate in Nomine Patris, & Filii, & *Matt. 28. 19.*
Spiritus Sancti. Si Spiritus S. Creatura
est, non amplius est Trinitas, sed nume-
rus dualis, aut Trinitas compositum erit
monstrosum, & Christiani Creaturam
cum Creatore adorabunt, cuius rei A-
rianis accusabantur. Igitur S. Athanasius
in ista argumentatione probat, omnia ea,
quæ Tropici contra Spiritum S. dicebant,
etiam ab Arianis contra Filium dici pos-
se. In fine Serapionem rogat, ut scri-
ptum suum emendet, & rudem dictio-
nem excusat, asseverans, se nihil dixisse,
quam quod Traditione Apostolica acce-
pisset, & nihil præter hæc, quæ didicis-
set,

p. 207.

Sæculum IV. set, addidisse, sed juxta SS. Scripturas
A. C. 360. exposuisse.

Tom. 2. p. 10. pioni alias duas scripsit epistolas super
p. 16. eadem materia breviores, unam rogatus

ab eo, ut suum tractatum in compendium redigeret, alteram ut iterum hæreticorum objectionibus, ab humana ratione conflictis, responderet; in prima ostendit, omnia, quæ de Filio dicta sunt, etiam de Spiritu S. dicta esse, ex quo sequatur, dicendum esse Deum, sicut Filium; in altera monstrat, Spiritum S. non posse dici Filium, nec nobis licere quidquam aliud de Deo affirmare, quam quod ipse de se revelavit. Cœterum eadem primi tractatus quoad substantiam repetuntur argumenta. Ex his epistolis vides, quanti S. Athanasius Serapionem fecerit, cum eas ipsius censuræ subjiciat. Erat quippe vir non solum virtute sanctitate, sed etiam eloquentiæ, & summi ingenii laude clarissimus, hinc ei nomen Scho-

Hier. script. lastici, id est, Doctissimi datum. Hic etiam S. Antonio in paucis charus erat, nam ante susceptum Episcopatum Monachus, & multorum Monachorum Superior extiterat. Quosdam post obitum reliquit

Canis. antiqu. libros, atque inter alios Tractatum contra Manichæos, quem adhuc habemus, & Lett.

Pall. Laus. plures epistolas. Alter Serapion in Regione Arsinoensi Presbyter, & Abbas fer-

me

me decem Monachorum millia in diversis Monasteriis regebat; hi tempore aëstivo operam suam metentibus locabant, atque singuli eorum artabas frumenti duas, id est, Regionis illius mensuras, sui laboris mercedem accipiebant, cujus partem magnam Abbatii suo reddebat, pauperibus distribuendam. Erant autem istæ eleemosinæ tam abundantes, ut in illis finibus, nemini frumentum deesset; imo oneratæ naves quoque partem illius annonæ Alexandriam devehebant. (*)

A. C. 361.

§. XXXII.

Concilium Antiochenum. S. Meletius.

Bellum Persicum Imperatorem Constantium in Orientem pertraxerat; hic anno 360. Antiochiae exacta anno sequenti frequentissimum convocavit Concilium, ut tam vocem consubstantialis, quam, dissimilis in substantia, damnari juberet. Ante omnia petierunt Episcopi, ut Ecclesiæ Antiochenæ Pastor daretur, quocum deinde de rebus fidei deliberarent; nam S. Eustathium fata abstulerant, Eudoxius relicta Antiochia Constantinopolim transferat, & Arianus, in Concilio

*Amm. Marc.**XX. c. ulti.**XXI. c. 6.**Theod. II.**c. 31.*

(*) Ex his iterum Protestantis Interpretis impudentia confunditur, dicentis, Monachos nec Deo, nec hominibus utiles fuisse.